

四庫全書

史部

欽定四庫全書

西湖志纂卷四

大學士梁詩正等輯

南山勝蹟

上

自城內

行宮出湧金門瀕湖而南合清波門經茶坊嶺過
長橋至南屏山為南山總路

行宮 在湧金門內太平坊舊為織造府康熙二

十八年

聖祖仁皇帝南巡

駐蹕於此

御製巡幸杭州詩

東南上郡古臨安
親採風謠一省觀
翠岫巖嵒猶舞鳳
羽旗簡約不鳴鑾
春輝草木江山麗
戶滿絃歌雨露寬
德化遠敷吾未信
如何夾道萬聲歡

自後屢蒙

巡幸卽奉爲

行宮四十五年織造孫文成敬謹增葺

禁籞森嚴規制整肅外列百官朝房環拱北向開
濬城河以達湧金水門乾隆十六年春

皇上省方幸浙

親奉

皇太后鑾輿

駐蹕宮中萬姓嵩呼歡聲雷動

御題正殿之額曰

觀風浙水

御書聯句云

煙火萬家添勝概

江山千里引遙情

御題第二層殿額云

雅宜清致

御書聯句云

臨憩名區欣富庶

咨諏善俗識游歌

御題垂花門內正殿之額曰

熙春仙館

御題垂花門內第二層殿額曰

明秀澄觀

御製三月朔日車駕至杭州駐蹕之作

今春三度茁初莫恰值餘杭翠輦停展義省方欽

祖烈承歡祝嘏奉

慈寧

三朝休養繁滋息萬里提封在戶庭覽彼就瞻心實切
漸茲懷保德非馨人文舊地風猶樸禮樂名邦教
易型明聖湖重瞻

聖藻飛來峯已送來青昌昌艷裔差無負濯濯林泉信
有靈即漸風光臨上已便當觴咏賞蘭亭

翌日

上奉

皇太后鑾輿

臨幸吳山

御製巡幸杭州恭依

皇祖詩韻

銅龍不異日詢

安掖輦吳山賞大觀煙火萬家來問俗春風三月暫遊

鑾承

顏悅志期無忝咨吏安民要在寬秀麗湖光豈無助每
成佳句亦增歡

湧金池 在湧金門內萬歷杭州府志吳越清

泰元年守將曹杲引西湖水為池錢王元瓘書

湧金池三大字刻石其處

郭祥正湧金池詩衆
沼皆涵碧斯池獨湧

金寶光中夜見

還照月華深

嘉澤廟 在湧金門內井亭橋西咸淳臨安志

祀唐相國鄴侯李泌德宗興元間泌守杭有風

績杭地瀕海民苦斥鹵泌鑿六井開陰竇引湖水入城以資民汲郡人德之爲立祠西湖遊覽志宋嘉定中賜額嘉澤安撫潛說友拓地鼎建元季燬成化間重建前有井徑丈許底與湖通泌所鑿也并有金魚數百游泳其中

金華將軍廟 在湧金門內西湖遊覽志神姓曹名杲真定人仕後唐爲金華令郡兵叛以計平之吳越王嘉其功擢守婺州宋初錢氏入朝

委以國事果即城隅浚三池以通城河名湧金池民為立祠

湧金門 瀕湖西湖遊覽志即金牛出現之所故名湧金舊名豐豫宋時有豐樂樓與門相值若屏障然堪興家以此地當山水之衝故不築月城

柳洲亭 即豐樂樓舊址明嘉靖間郡守陳仕賢建

柳洲二賢祠 在湧金門外瀕湖錢塘縣志其地多柳宋時稱為柳洲舊有子貢使越祠祀端木子康熙二十六年巡撫金鉉督學周清源以仲子舊祠之在弼教坊者移此合祠遂改今名雍正九年重修

問水亭 在湧金門外柳洲之西瀕湖錢塘縣志宋時有上船亭圯明萬厯間建亭曰問水今爲關帝廟舟人猶稱問水亭

孫忠烈祠 在湧金門外南錢塘縣志祀明孫忠烈燧燧死宸濠之難嘉靖間建祠於此

兩峯書院 在湧金門外南西湖遊覽志明刑

部尚書洪鐘別墅鐘字宣之錢塘人歷官四川按察使發奸摘伏聽決如流庭無宿訟蜀民有洪不支鍋之謠巡撫順天增築邊堡自山海關抵居庸延袤千里以刑部尚書兼左都御史平川陝藍鄙之亂加太子太保致仕築居於此自號

兩峯居士

柳浪聞鶯亭 在湧金門南舊有柳浪橋康熙三十

八年

聖祖仁皇帝御書柳浪聞鶯為西湖十景之一遂於橋

北建亭恭懸扁額並構

御碑亭於左乾隆十六年春

聖駕南巡

御製柳浪聞鶯詩

見恭紀
名勝

臣沈德潛恭和元韻

蕩漾輕黃萬縷金
金衣弄響晚烟深
春風卷入空明去
宛似青蓮聽上林

錢王祠在湧金門南舊名表忠觀萬厯杭州

府志祀吳越王錢鏐及鏐子文穆王元瓘瓘子

忠獻王佐忠遜王侖忠懿王俶宋時觀在龍山

熙寧十年知杭州趙抃請於朝建名表忠蘇軾

作碑記

蘇軾碑記
見藝文

嘉靖三十九年總督都御史

胡宗憲巡撫都御史周斯盛以靈芝寺改建寺
蓋王故苑也錢塘縣志進石坊為橋又進為門
有東坡書表忠觀石刻存焉正字奉五王像有
明新建伯王守仁順天者存扁額後為慶系堂
明末漸圯崇禎中重加修葺歲仍春秋額支官
師致祭

國朝康熙四十四年

聖祖仁皇帝南巡

御題扁額曰

保障江山奉懸正中恭摹勒石建亭其左雍正五年
勅封誠應武肅王冬十月浙江總督李衛重修前更立
石坊曰功德坊乾隆十六年三月

皇上駐蹕西湖初四日

欽命大臣致祭隨

命錢氏二十五代裔孫刑部左侍郎臣錢陳羣陪祭

初六日

聖駕臨幸

御題扁額曰

忠順遺庥

賜懸祠內

御製表忠觀詩

三世五王爵同堂
扶有倫聖湖依故里
白水識真人
孫子儀型永春秋
俎豆新蘇碑餘腕力亦敵弩
千鈞

臣錢陳羣恭和 元韻

巡典旌忠烈

恩光邁等倫由來懷舊德沾溉及先人強弩風雲護
荒祠雨露新湖山英魄在同日受

鴻鈞

岳飛墓林逋放鶴亭
上皆親臨觀覽

臣沈德潛恭和 元韻

王八朱三輩誰能識大倫東南矢臣節保障藉
斯人三世堂筵舊千秋碑碣新竇融知順逆忠

孝後先鈞

錢氏以忠孝稱光武詔
實融許其忠孝誠慤

內有鐵券為錢氏子孫世守今已輾轉流失觀
中碑記猶存遂蒙

賜覽

御製戲題錢氏鐵券三首

長腰十斛換漁人什襲傳貽永世珍歷數從來曾
賜券問誰終獲保其身

伊呂功勲豈不巍未聞賜券貸其非設逢烏喙終

何益少伯真能早識幾

納土歸誠本在茲子孫世守亦其宜獨憐片鐵唐
時物秘寶其將安用之

靈芝崇福律寺 在湧金門外今為錢王祠咸
淳臨安志太平興國元年建本吳越王故苑芝
生其間捨以為寺遂號靈芝大中祥符初改今
額元符初律師元照重修建炎初燬紹興間析
其址為顯應觀乾道間次第興創紹興元年面

湖建堂扁曰依光張即之書又有浮碧軒夜講
亭日觀堂皆廢西湖遊覽志元末燬明永樂初

僧竺源重建

杏花園 在湧金門外南見宋稗類鈔內有雲
會堂為宋進士期集之所如唐曲江杏園故事
今園已廢而杏花獨盛蘇隄桃李中亦雜植杏
樹花時與桃李並放南北兩山亦有之居民採
杏子取其仁為酪以佐春茗荆楚歲時記所謂

寒食擣杏仁煮粥是也乾隆十六年春

駕幸西湖

御製杏酪詩

佳實出精舂仙漿泛玉溶清明傳節物南國作時
供不雜薑鹽和還啖醴齊濃最欣湖上坐甌影北

高峯

朱子寓居 在靈芝寺四朝間見錄慶元元年

韓侂胄欲逐趙汝愚遂禁偽學朱熹去國寓靈

芝寺平川李杞叩請得窮理之學有紫陽授受
行於世

顯應觀 在靈芝寺側今廢西湖遊覽志祀磁
州崔府君子王唐貞觀間為滏陽令有異政民
爲立祠既卒為神於其土靖康間高宗避寇走
鉅鹿馬斃夜雨獨行路岐莫知所往忽有白馬
乘之遂至祠下見土馬汗出如雨假寐夢神促
之行導至斜橋谷會耿南仲來迎及卽位復夢

神以白羊饋之曰得孝子實兆孝宗由是累朝
崇奉咸淳間改額昭應後歸靈芝寺有蕭照山
水蘇漢臣畫壁

宋聚景園 在清波門北久廢西湖遊覽志宋
孝宗所築奉上皇遊幸中有會芳殿瀛春覽遠
芳華等堂瑤津翠光瓊芳寒碧等亭柳浪學士
等橋理宗以後日漸荒落今惟柳浪學士橋存
焉

清波門 瀕湖西湖遊覽志宋時稱暗門又南
有錢湖門今塞

流福水橋 在清波門外西湖遊覽志咸淳四
年建引湖水入城經府前

學士港 一名夾字港在清波門外杭州府志
相傳宋時有學士家此故名港屈曲深隱低蓬
沿洄方出湖口古木鱗皴最為幽勝上有學士
橋

茶坊嶺 在清波門外西湖遊覽志宋時有茶坊在焉

仙姥墩 在茶坊嶺西湖遊覽志列仙傳云姥餘杭人嫁於西湖農家善採百花釀酒王方平過蔡經家嘗以千錢與姥沽酒飲而甘之是後羣仙時降因授藥以償酒價服之仙去後十餘年有人經洞庭湖邊見姥尚賣百花酒相傳所居基高數十丈今夷為坦途矣

周元公祠 在清波門外錢家灣祀宋濂溪周
子惇頤南渡時建久廢

國朝康熙五十一年督學姜櫛檄令重修歲以春
秋致祭巡撫張泰文題額運使高熊徵有碑記
雍正九年總督李衛重建

長橋 在淨慈寺東西湖遊覽志橋短而以長
名者先時水口甚濶橋分三門有亭臨之壯麗
特甚其後浸淫填塞兩旁皆為民居其南有澄

水間有南閘謂之三渠今亦湮廢

飛仙里 列仙傳濟南李茆宋乾道中寓臨安
嘗詣淨慈過長橋恍惚迷路見青衣道人分燒
筍食之絕異常味俄風雨晦冥失道人所在覺
身輕舉冉冉若乘雲後人因名其所居之里曰
飛仙

普度親菴 在南屏山東錢塘縣志明戶部侍
郎葛寅亮為母報恩捨宅建寺因名萬歷四十

八年建即古永蔭寺舊址寅亮自爲記今燬基址猶存

南屏山 在西湖正南成化杭州府志峯巒聳秀山石瓊瓏若神工削成中穿一洞上有石壁如屏障故稱南屏

慧日峯 成化杭州府志南屏山有峯曰慧日淨慈寺之主山也西湖遊覽志南屏之山凌空而中峙者爲慧日峯今以寺後卷石刻慧日峯

者誤

淨慈寺

在南屏山慧日峯下淨慈寺志周顯

德元年建號慧日永明院宋太宗賜壽寧禪院

額釋氏稽古略紹興九年改賜報恩光孝禪寺

咸淳臨安志紹興十九年改淨慈額後燬孝宗

賜金成之建慧日閣嘉泰四年又燬嘉定十三

年復建閱勝甲於湖山紹定四年僧法薰於佛

殿前鑿雙井淳祐十年建千佛閣理宗書華嚴

法界正徧知閣八字西湖遊覽志錢王俶初建
院迎衢州道潛禪師居之潛嘗從王求金鑄十
八阿羅漢王許之始作羅漢堂宋建隆初禪師
延壽以佛祖大意經綸正宗作宗鏡錄一百卷
遂作宗鏡堂熙寧中郡守陳襄延禪師宗本居
之屬歲旱湖水盡涸忽寺西隅甘泉出有金色
鰻魚遊焉因鑿為井名圓照井南渡時燬而復
興僧道容實鳩工焉五歲始成塑五百阿羅漢

作旧宇殿貯之大抵規模與靈隱埒故二寺為
南北兩山之最東坡詩云卧聞禪老入南山淨
掃松風五百間其闕壯在南渡前已然矣元季
諸寺皆燬惟此寺獨存明洪武間燬僧法淨建
正統間復燬僧宗妙復建内有永明室圓照樓
叢玉軒一湖軒並廢有鐵鍋重數千觔歎云梁

貞明二年鑄

蘇軾遊淨慈謁本長老和周長官
詩臥聞禪老入南山淨掃松風五

百間我與世跡宜獨往居緣詩好不容攀自知
樂事年年減難得高人日日閒欲問雲公覓心

地要知何處是無還又復遊西湖用歐陽察判
韻我識南屏金鯽魚重來拊檻散齋餘還從舊
社得心印自省前生覓手書釣合平湖久蕪蔓
人經豐歲尚凋疎誰憐寂寞高常侍老去狂歌
憶孟
諸

國朝康熙三十八年

聖祖仁皇帝南巡幸寺

御製由淨慈寺經南屏諸山詩

紆曲南屏路欣隨步輦來

時奉
太后觀覽

鳥飛驚玉仗

花落點經臺邃閣間松籟踈籬迸竹胎雙峯高不極

更在白雲隈

御書淨慈額並

書西峰二字又

御題一聯云

雲間樹色千花滿

竹裏泉聲百道飛

賜御書金剛經一卷四十六年

聖駕再幸奉

旨重修四十九年工竣

御製重修淨慈寺碑文

蓋聞寶界三千咸歸淨業珍臺百萬同證慈航施布
地之銀衣國名舍衛供彌天之珠樹園號祇洹自靈
鷲西來至玉函南渡層軒飛閣起鹿苑於湖山芝蓋花
幡記伽藍於崖谷皆爲選佛之場實是棲真之室杭
州淨慈寺者周顯德中締構也宿尊入夢殿闢永明
白足藏書堂開宗鏡擔經錫杖卓石上之奔泉皈法

金魚伏亭前之寒井南屏山色螺翠千盤北岸波光
琉璃百頃高柯映戶特來獻果之猿修竹參霄常見
銜花之鳥數經營於越角已歷多年論景致於淞江
信稱勝地乃者僧人不戒難返風輪遂爾像教延灾
適遭火劫禪基未續道跡將湮朕周覽餘杭巡行南
國惜茲善果建此福因命集工徒重葺院宇蘭楣桂
棟出炎網而煥金繩藻稅雕題化崑岡而為玉闕巍
峨琳殿偕蓮座以俱新瓊瑤瑤幢對雷峯而並立飄孤

山之香雪居然花散維摩舞方丈之長松依舊風清
羅漢龍天護法鬱東嶺之煙霞獅象宣音應西興之
鐘鼓蛟藏江浦再聽梵音鴿下晴空還看瓶刹智燈
迴照顯色相於已傾慧日高懸鎮檀林而永固俾下
域顧瞻淨土時懷常淨之心願羣生感化慈緣悉發
大慈之隱用摘紫翰述壯麗之規模爰勒青珉標建
修之歲月康熙四十九年十一月穀旦

雍正八年重修乾隆九年奉

勅重建規制崇闕大倍於昔乾隆十六年三月浙江
在籍諸臣陳世倌等恭祝

皇太后六旬萬壽就寺啓建

萬壽經壇初三日

聖駕臨幸

御題佛殿扁額曰

正法眼藏

御書聯句云

慧日高擎猊座自安圓覺相

慈雲近接藥幢時轉妙明機

御製淨慈寺詩

沿緣蘇氏隄霽景斷煙低遂造白禪所閒尋碧篆

題堂圍曲屏障地是古招提翠竹籠僧戶芳蘭引

客蹊巖扉如有約井木或無稽

相傳建寺時木取之井中此附會語

也策馬因還去鐘聲隔嶺西

臣錢陳羣恭和元韻

湖南近接隄高柳寺門低未聽碧雲語先看金
字題中峯依慧日芳樹卽菩提井覽傳靈迹堂
陰闢舊蹊晚鐘僧自定斷塔代堪稽攬勝留
香輦林暉在殿西

萬工池 在淨慈寺前杭州府志宋建炎以前
寺累遭火熙寧間有善青鳥之術者云須鑿井
以禳之寺僧宗本乃募鑿池與力者萬人故名
慶芳橋 在淨慈寺前通萬工池雍正五年建

南屏晚鐘亭 在南屏山淨慈寺前舊稱南屏晚鐘

爲西湖十景之一康熙三十八年奉

聖祖仁皇帝御題扁額建亭於山門前正中臨萬工池

乾隆十六年春

聖駕南巡

御製南屏晚鐘詩

見恭紀
名勝

臣 沈德潛恭和 元韻

帶却殘陽度翠屏穿林時送晚鐘聲行人底事

匆匆去怕聽蝦蟆報短更
杭人無夜遊西湖者故有背狀紅日進錢

塘之

謠

雷峯 在淨慈寺前咸淳臨安志舊名中峯郡

人雷就居之故名雷峯西湖遊覽志南屏山之

支脉也穹窿迴映亦曰回峯

林逋中峯詩中峯一徑分盤折上幽

雲夕照前村見秋濤隔岸聞長松標古翠衰藥動微薰自愛蘇門慵懷賢事不羣又中峯望北山詩拂石翫林壑曠然空色秋歸雲帶層巘疎葦際滄洲固自堪長往何為難久留庶將濠上

想聊作

剡中遊

臣謹按六書正詁雷古作回小篆加雨以別之
又作露以晶爲聲省作雷南屏之回峯本以山
勢回抱得名宋徐炳隱此世稱回峯先生可証
咸淳臨安志以雷姓者當之前人已言其失因
雷回二字本通後人特以
戶恢切轉爲魯爲切耳

雷峯塔 在南屏山前咸淳臨安志開寶中吳

越王妃錢氏建名王妃塔後有雷峯菴治平二
年賜額顯嚴院宣和間燬惟塔存焉西湖遊覽
志舊建七級後爲雷火所焚止存五級

徐炳宅 武林紀事炳字立之宋熙寧間舉進

士不第築室回峯人稱回峯先生回峯即雷峯也都官員外郎蘇為甚敬禮之為立傳

湖曲園 武林舊事內侍甘昇別墅一名小蓬萊

雷峯西照亭 在雷峯頂峯上有塔舊稱雷峯夕照聖祖仁皇帝御題十景改雷峯西照建亭其處乾隆十六年春

聖駕南巡

御製雷峯西照詩

見恭紀
名勝

臣沈德潛恭和 元韻

地近清波能遠俗峯因雷火轉留名斜陽一抹
鳥飛下遙見城南塔影橫

水心保寧寺 在南屏山前湖中今名放生池

咸淳臨安志水心保寧寺晉天福中建舊名水
心寺大中祥符初賜今額舊有思白堂白樂天
舊遊處元豐三年樞密使林希榜曰思白示懷

賢之意人多放生於此郡守沈文通建亭名曰

好生內有陸蓮菴錢忠懿王時紹巖禪師誦蓮

華經於水心寺中有蓮花七本生於庭陸錢塘

縣志隆興間於寺內重建德生堂

秦觀送僧歸保寧寺詩西

湖環岸皆招提樓閣晦明如臥披保寧復在最
佳處水光四合無端倪車塵不來馬足斷時有
海月相因依上人弱齡已隸此心目所証惟現
奇白玉芙蓉出清沼天然不受紅塵擾坐客一
語不入意目如明星視飛鳥冠切雲兮佩三難
上人顧之真等閒應緣偶人人間世興盡却歸
湖上山繫余久欲窺禹穴矧今仲父官東
越行挽秋風入剡溪為君先醉西湖月

三潭印月亭 在放生池前湖中舊有三塔相傳下
有三潭深不可測故建塔以鎮之後並湮廢

國朝康熙三十八年於放生池南重建三塔臨湖
建亭奉懸

聖祖仁皇帝御書扁額復於橋北構亭恭摹勒石乾隆
十六年春

聖駕南巡

御製三潭印月詩

見恭紀
名勝

臣沈德潛恭和 元韻

照入千潭月一輪三潭了澈淨名身水中天上
俱無著底用還留未了因

寓林 在雷峯塔下錢塘縣志明黃汝亨讀書
處即甘園小蓬萊遺址石上有宋刻青雲巖龕
峯等字汝亨題其石為奔雲

藕花居 在淨慈寺西雷峯塔後錢塘縣志明

洪武間僧廣衍建爲南屏八景之一

王守仁藕
花居詩掩

映紅粧莫漫猜隔林知是藕花開共
君醉臥不須扇自有香風拂面來

勝景園 在雷峯路口即韓平原之南園也久廢

御題漪園 在雷峯塔西瀕湖宋時名湖曲園有亭曰

小蓬萊見周密詩後改為慈雲菴乾隆丁丑春

聖駕臨幸賜題漪園

御製漪園詩

恭紀卷之一

法華臺 在慧日峯下淨慈寺志即香嚴社相

傳永明禪師於此誦法華經萬三千部感四天

雨華繽紛巖壑又名雨花臺萬厯甲午建黃汝亨為記由萬峯房西開徑而入

蓮花洞 在淨慈寺後西湖遊覽志洞無頂直似屏風曲折導入為永明講蓮花經處

石佛洞 在蓮花洞右錢塘縣志兩石相夾如龕內鑄石佛三明總督胡宗憲刻橐中天室四字

歡喜巖 在慧日峯下西湖遊覽志兩石離立相對望若老翁邂逅狀其一巨首如戴笠頷下

鑊小佛像三眉睫剝落巖上題名湮滅不可辨
翠芳園 西湖遊覽志在淨慈寺側舊名屏山
園宋理宗改曰翠芳內有五花亭蘭槐梅槎咸
淳間移取亭館花石於宗陽宮

南屏山居 萬厯錢塘縣志在高士塢正德間

高士孫一元字太初卜居於此

孫一元南屏山
居詩石上藤蘿

對夕曛解衣長日坐來頓挽回滄海真無計領
略青山合有人養鶴似添雙口累爲漁又過一
生身相逢惟是南屏老獨樹柴門許結隣又道
人占斷南屏景十里青山帶郭斜對水柴門通

鷓鴣渚隔隣烟火是漁家巖頭老檣占風雨石上
菖蒲開歲華粧點太平還著我後鞋桐帽送生
涯

小南屏山 西湖遊覽志在廣教院後怪石瓊
瓏亦類屏障

南屏興教寺 在南屏山元末圯西湖遊覽志
舊名善慶吳越王建太平興國中改今額内有
齊雲亭清曠樓並廢

御題小有天園 在淨慈寺西慧日峯下舊名壑菴

爲郡人汪之萼別業遊人稱爲賽西湖之萼之
孫守湜重葺爲園其上有幽居洞及丹崖琴臺
諸勝復於山半構南山亭爲憑眺之所乾隆十

六年春

聖駕巡幸

御題扁額曰

小有天園

御製小有天園詩

見恭紀
名勝

是年四月汪氏子姓建亭

於慧日峯之頂崇奉

宸章寶墨榮光與南山並壽云

臣 錢陳羣恭和 元韻

始信壺中別有天芳園一曲傍湖邊玉梅倚石
如高士斑鹿穿林見古仙深護翠屏疑貯月細
鋪瑤草亦耕煙南山最好供留賞

睿想清瑩不落詮

幽居洞 西湖遊覽志俗稱仙人洞中有石牀

可容坐臥左有石門偃僂而上直登琴臺

摩厓石刻 在南山亭之上西湖遊覽志石壁
上大字刻周易家人卦及中庸道不遠人章樂
記禮樂不可斯須去身一段相傳為唐人八分
後人補刻司馬溫公書

臣謹按葉紹翁四朝聞見錄吳自牧夢梁錄俱
載南山摩厓石刻並云司馬溫公書獨周密武
林舊事云是唐人手筆西湖遊覽志因之考宋
鑑紹興六年十一月庚辰上諭大臣曰司馬光
隸書大似漢人朕日夕置座右所書乃中庸及
家人卦皆修身治國之道不特玩其字而已據

此與摩崖所刻同當是諸大臣請刻於石者故
宋王洎詩有涑水摩崖半綠苔春遊誰向此中
來之句非後
人補刻明矣

丹崖 在幽居洞左崖高尋丈石皆赤色青松
蔽之崖石上鐫云南山之隈白石崔嵬上有丹
崖下有琴臺即其處也

琴臺 在慧日峯西石壁聳秀摩崖刻米芾大
書琴臺二字乾隆十六年春

御製寄題琴臺詩

慧日峯西秀石堆傳聞海岳舊琴臺忽忽未暇躋
層巘分付雲林待再來

自南屏西九曜山折而南過石屋嶺又經煙
霞嶺至南高峯達九溪十八澗為南山南路

九曜山 在南屏之西西湖遊覽志與赤山聯
屬上有九曜星君殿下有發祥祠

錢糧司嶺 在九曜山下西湖遊覽志吳越時
建司於此以徵山課

錢王古井 咸淳臨安志九曜山法因寺有錢

王古井

石屋嶺 咸淳臨安志九曜山折而南為石屋
嶺

青龍山 在石屋嶺側

石屋洞 在石屋嶺下洞底有泉名勝志高敞
虛明衍迤二丈六尺狀如軒榭可布几筵其底
遽窄通幽石壁舊有題字傳是東坡書剝蝕不可

辨

國朝乾隆十六年春

御製石屋洞詩

嵌巖外狹中虛何代地仙此居苔封紫石牀上應
有人不識書

大仁禪寺 在南山石屋洞俗名石屋寺咸淳

臨安志廣運中吳越王建舊爲石屋寺宣和三
年改今額有洞鐫羅漢諸佛像山頂有石菴天

成團圞如鑿高丈餘一名天然菴咸淳二年創

建觀音諸天寶閣

徐集孫石屋寺詩路僻鳥關闕行吟逐字刪偶來遊石屋

却喜見香山閣峭寒雲護巖深野

水間坡仙留墨在姓氏有無間

煙霞嶺 在石屋洞南

煙霞洞 咸淳臨安志晉開運元年有僧彌洪

結菴洞口遇神人指山後有聖跡何不顯之洪

尋至山後見洞內有石刻羅漢六尊吳越王錢

氏夢僧告云吾有兄弟十八人今方有六王可

聚之夢覺訪知煙霞洞有六羅漢遂別刻十二
以符所夢成化杭州府志洞中作丹元五采之
色洞後宋有清修寺今廢惟象鼻石佛手巖石

羅漢及東坡留題尚存

蔡襄遊煙霞洞詩新晴
特地入煙霞道並南山

徑轉脰幽磬過鄰溪口寺衆難鳴午野人家洞
深垂溜先成雨石古龍藤亂放花潘岳小園猶
作賦輕軒選
勝樂無涯

國朝乾隆十六年三月初四日

聖駕巡幸南路經煙霞嶺

駐蹕觀覽

回鑾舟中

補題西湖畫冊

御製煙霞洞詩

高峯隆崇俯錢塘
往往舊蹟稱錢王
布衣奮起保一方
識時知命歸真皇
林衣錦繡誇故鄉
三世五王名姓揚
兩浙士女安農桑
嬉遊鼓吹答韶光
當時遺愛云不忘
豪爭計奪事已往
懺悔佛力資

慈航紛建梵宇金碧煌至今石屋煙霞蒼苔封碑
字半存亡應真補塑寧龍降夢僧告語殊荒唐慈
氏便真能降祥福善禍淫理有常訣求寧媚可慨
慷無心隨喜乃不妨或與隣壑增佳賞叶披圖作
歌懷古長不殊勝處親徜徉

佛手巖 在煙霞洞上錢塘縣志奇石瓊瓏勢
若倒垂有石筍五枝若指壁上蘇軾題名刻石
尚存

水樂洞 在煙霞嶺下咸淳臨安志舊為錢氏
西關淨化院四望林巒聳秀巖石蟠峙有洞虛
窈渟涵如淵泉味清甘與龍井埒洞中有水聲
如金石熙寧二年守鄭獬名之曰水樂洞西湖
遊覽志嘉泰以來洞為楊郡王別墅蕪穢弗治
水樂絕響賈似道得之深求水樂所以廢興者
不得其說一日俯睨旁聽悠然有契曰谷虛而
後能應水激而後有聲今水渚其中土壅於外

欲其振響得乎亟命疏壅導渚有聲從洞間出

節奏自然勝概始復遂構亭以東坡水樂洞詩

刻置其上

蘇軾水樂洞詩君不學白公引涇東注渭五斗黃泥一鐘水又不學哥舒

橫行西海頭歸來羯鼓打梁州但向空山石壁下愛此有聲無用之清流流泉無絃石無竅強名水樂人人笑慣見山僧已厭聽多情海月空留照洞庭不復來軒轅至今魚龍舞鈞天聞道磬裏東入海遺聲恐在海山間鏗然澗谷含宮徵節奏未成君獨喜不須寫入薰風絃縱有此聲無此耳自注為東陽令王都官概作

國朝乾隆十六年三月

聖駕巡幸

御製水樂洞和蘇東坡韻詩

君不見三郎未辨涇與渭却厭絲桐淡於水又不
見興公作賦強出頭目空一切低九州持示榮期
高位置擲地金石聲應流都官別開聞思竅創名
水樂俗人笑俗人笑博雅人喜致使東坡契清照
錢塘春月駐巡轅煙霞嶺下鳴鈞天更道東陽亦
有此相去不過兩郡間偶聞謂是招在徵卽景成

吟亦堪喜歸來跋馬蘇公隄至今想像知音耳

臣謹按王十朋輯注蘇詩此題下有軾自注云
爲東陽令王都官擬作玩起句君不學云云其
爲屬王都官無疑咸淳臨安志力辨其當屬錢
塘并言其地爲東陽村查此村並無東陽之名
故舊志疑其誤今考志林軾自題靈隱天生詩
云錢塘東南皆有水樂洞泉流空巖中皆自然
官商乃莊生所謂天籟者據此則
南山水樂洞即其所自稱者歟

南高峯 在南北諸山之界錢塘縣志與北高

峯對峙高一千六百丈攬長江若帶俯平湖如

杯山椒有巨石名先照壇日月始升得景獨先

又名鎮魔石上有塔晉天福中建今下級尚存
側有瑞應像不假雕鑿巧若神工塔下有小龍

井

劉公泉 在南高峯下西湖遊覽志泉出石竇
間清澈見底宋常平劉常贊為池篆刻三字於
泉上

翁家山 在南高峯南錢塘縣志羣山包絡石
磴參差竹木掩映地宜桂秋時如入衆香國焉

天池洞 在南高峯南萬厯杭州府志山半石

筍躍起架虛壁立其上有池旱潦不盈涸池下

即洞深邃莫測

千人洞 在天池洞右杭州府志洞口僅六尺

許漸入漸廣可容千人

葛洪井 在翁家山

滿覺壠 在翁家山曲塢內

九溪 萬厯杭州府志在煙霞嶺西路通徐邨

水出大江北達龍井

十八澗 明一統志在龍井之西路通六和塔

水出錢塘江

理安寺 在南山十八澗錢塘縣志即古涌泉

院舊名法雨寺五代時有伏虎逢禪師棲息於

此吳越王建宋理宗時改為理安明弘治四年

洪水發寺圯萬曆甲子佛石禪師重建佛石即

法雨有松巔閣且住閣符夢閣

國朝康熙五十三年

聖祖仁皇帝發帑重建置寺田三千畝齋田二百餘畝
命僧性音住持

御書理安寺扁額奉懸山門又

御書石磬正音四字崇奉佛殿正中又

御題對聯二副

法雨晴飛繞殿香雲至

天花晝下交空瑞日懸又

金定正月三日
勢到岳邊千峯環秀色

聲歸海上萬水拱洪濤奉懸殿柱復奉

賜佛像巨鐘及雜寶供器皆

內府製造雍正五年十一月

世宗憲皇帝命僧實惠來主方丈

御書慈悲自在扁額奉懸藏經樓又

御賜曹溪人瑞四字崇奉法堂又

御製對聯云

成佛念輕縱然自在還爲妄

度生心切須信慈悲也是貪又

杖履得回遊子脚

葛藤灰盡老婆心俱奉懸方丈乾隆十六年三月初

四日

聖駕巡幸

御題佛殿正中之額曰

樹最勝幢

御製遊理安寺詩

路盡九溪十八澗境奇三竺兩高峯香臺聽講來
馴鴿靜室安禪制毒龍法雨淙常空色相巖花放
不論春冬歸鞭却恐留清戀倩取白雲一片封

松巔閣 錢塘縣志在理安寺方丈後萬厯二

十三年佛石禪師建

王穉登題松巔閣詩古寺
榛蕪已百年師今結屋與

安禪林如支遁堪棲鶴社似廬山喜種蓮巖畔
採薪常易米石邊接竹更分泉詩成猶帶煙霞
色不數清

江與皎然

法雨泉 在理安寺內西湖遊覽志泉從巖下
滴瀝如雨下為清池可鑑毛髮



西湖志纂卷四

欽定四庫全書

史部

西湖志纂卷

五至
七

詳校官左都御史_臣李綬

編修_臣程嘉謨覆勘

總校官進士_臣朱鈐

校對官主事_臣盛惇宗

謄錄監生_臣蔡映

欽定四庫全書

西湖志纂卷五

大學士梁詩正等輯

南山勝蹟

中

自南屏山西赤山埠經大慈山達進龍浦至
六和塔由徐邨梵村至五雲山為南山西路
赤山在玉岑山左名勝志其土赤埴故名錢
塘縣志北連麥嶺東接湖濱下為赤山埠

玉岑山 在石屋嶺左西湖遊覽志相傳其山
產玉故秀潤異常孤峯峻拔層巒繚繞厓上鐫
玉岑二字宋許耒書

浴鵲灣 在赤山埠錢塘縣志水流灣曲近定
香橋元人張羽構水軒於此劉邦彥詩春水初
生浴鵲灣是也

定香橋 在蘇隄第一橋之西近赤山埠其水
即浴鵲灣

惠因澗 在赤山惠因寺側西湖遊覽志宋秦
觀游龍井濯足於此題名有記

鐵窓櫺洞 在惠因澗咸淳臨安志洞口高數
尺舊有蛟龍出入人畏焉因鑄鐵為窓櫺嵌於
石槽以拒之水自窓櫺出六月如冰過惠因寺
前入西湖大旱不竭

慧因講寺 在赤山錢塘縣志後唐天成二年
吳越王建稱慧因禪院晉水法師名靜源者疏

釋經義流傳殊域高麗國王之子僧統義天航海來朝乞為師門弟子遣尚書郎楊傑伴行抵師所遂改為教院及義天還國以青紙金書晉譯華嚴經三百部并經閣之貲附貢舶以進俗呼為高麗寺迨晉水示寂高麗以祭奠為名貢金塔二座時蘇軾守杭疏請却之元祐四年繼晉水者為易菴禪師寧宗書易菴二字以賜改為講寺元至正末燬明正德間僧萬松興復

大慈山 在九曜山之西杭州府志山色蒼蔚
中峯隆起旁舒兩翼虎跑泉在其上

虎跑泉 在大慈山上泉清冽而甘寒與龍井
玉泉相埒宋濂虎跑泉銘序唐元和十四年性
空大師來遊茲山樂其靈氣盤鬱棲禪其中尋
以無水將他之忽神人告曰自師之來我等邀
惠甚大奈何棄去南岳童子旋當遣二虎來移
無憂也翌日果見二虎跑山出泉甘冽異常

蘇軾

虎跑泉詩亭石塔東峯上此老初來百神仰
虎移泉眼趁行脚龍作浪花供撫掌至今遊人
濯濯罷臥聽空塔環玦響故知此老如此泉莫
作人間去來想范成大獨遊虎跑泉小菴詩苔
徑灣環入茅齋取次成蔓花緣壁起間草上階
生宿雨松篁色新晴燕雀聲筒泉煮御米聊共
老僧傾

國朝康熙二十八年春

聖祖仁皇帝南巡

御製虎跑泉詩并序

西湖自昔畫舫笙歌之地朕茲行志本省方止一

覽其山川風土未嘗片刻停驂尚食但飲虎跑泉
水一勺耳

松林帶餘雪空山啼百舌石溜響涓涓寒泉目清潔
三十八年春

聖祖再幸西湖復至虎跑又

御製七言詩一首

靈泉湧地寒侵骨勝地名高著虎跑似恐被人頻汲
取一泓清迥出山坳

恭摹勒石於泉上乾隆十六年三月初五日

聖駕臨幸

御製虎跑泉詩

溯澗尋源忽得泉
淡如君子潔如仙
餘杭第一傳佳品
便拾松枝烹雨前

象教開茲泉眼開
共傳跑得藉牛哀
感通亦自尋常耳
記得前身曾伏來

大慈定慧禪寺
在大慈山俗呼虎跑寺西湖

遊覽志唐元和間寰中禪師建憲宗賜額曰大
慈院塔曰定慧大中八年改大慈禪寺僖宗乾
符間加定慧二字又稱祖塔院宋末燬元大德
間重建又燬明正德十四年寶峯禪師重建嘉
靖十九年又燬二十四年山西僧永果重建
蘇軾
重遊祖塔院詩紫李黃瓜村路香鳥紗白葛道
衣涼開門野寺松陰轉欹枕風軒客夢長因病
得閒殊不惡安心是藥更無方道
人不惜階前水借與匏尊自在嘗

國朝康熙二十八年三十八年

聖祖仁皇帝南巡兩

幸寺中雍正九年重修

屏風山 在大慈山之左虎跑寺志橫列巽方

形似屏障翠靄挹入山石巉削陡峻

貴人峯 在大慈寺後虎跑寺志羣山拱列其

下為一郡之主星地靈人傑因名貴人

白鶴峯 與貴人峯相並以形似得名

樵歌嶺 一名五字嶺在大慈山塢傍有戒定

巖

襲慶禪寺 在大慈山西南西湖遊覽志俗名
真珠寺舊名薦福院晉開運間建宋大中祥符
六年改崇壽院開慶元年改今額

真珠泉 在襲慶寺內西湖遊覽志周顯德間
泉自地迸出寺僧因甃為方池聞剝啄聲則泉
益湧纍纍如貫珠宋景祐中取以釀酒遂為酒
名

月輪山

在龍山西南瀕江形圓如月故名

開化寺

在月輪峯咸淳臨安志開寶三年吳

越王就南果園建寺造六和塔宣和間燬於兵

紹興二十二年北僧智曇募緣重建十載始成

隆興二年賜額慈恩開化教寺內有秀江亭金

魚池萬厯杭州府志元末燬重建明嘉靖十二

年寺與塔俱燬萬厯間僧祿宏重修

國朝雍正十三年奉

勅鼎建乾隆十六年三月初五日

聖駕巡幸

御製開化寺詩

高嶺度南屏
澗谷遵曲折
出峽條開豁
川雲景復
別蘭若
枕石磯
葱蒨扶岷嶮
佛宇既莊嚴
精廬亦
清潔結習未能忘
隨喜試禪悅
憑軒俯江濤
似演
廣長舌

御題寺額曰

淨宇江天

御書聯句云

潮聲自演大乘法

塔影常懸無住身

三月十二日

聖駕又幸

御製開化寺再作

春事日以佳春遊興無數蘇隄桃柳芳所玩近几

席度嶺尋梵宮略取幽趣適穹塔鎮吳江隔岸越
山碧顧步挹清芬騁懷寄寥寂境亦安能窮樂亦
胡可極明當整歸轡留詩勒蒼壁

六和塔 在開化寺內咸淳臨安志即舊寧壽

觀址開寶三年智覺禪師延壽始於錢氏南果
園開山建塔以鎮江潮塔九級高五十餘丈內
藏舍利或時光明煥發大江中舟人瞻見之後祀
紹興二十六年僧智曇因故基成之七層而止

武林梵志明嘉靖三年燬萬厯間祿宏重修

國朝雍正十三年奉

勅鼎建乾隆十六年

聖駕巡幸

御製登開化寺六和塔記

杭州月輪峯六和塔宋開寶中創建以鎮江潮開
化寺其塔院也自宋以來屢燬屢復燬則有驚浪
之虞復則有安瀾之慶是以雍正十三年我

皇考世宗憲皇帝特發帑金命有司鳩工庀材是輪是
奩越二年而告成又十有四年而朕以南巡之便
親陟其頂且為之記焉蓋浙之潮人所共知為雄
鉅浙之塘人所共知為要害然非目擊終為耳食
且沿江以來亦不辨其曲折之形也造塔顛而後
審其所以稱浙江者溯流東睇又悉其疊龕楮逕
溟渤頓挫渟蓄迭蕩掀激斯所以為廣陵之潮者
我

皇考居九重之穆清運萬寓於几席留意海塘福彼蒼
赤崁斯穹塔資厥佑相予小子景仰

前烈深惟愛民之心既誠故為民之慮無所不至而必
中其繁夫必待身患而後圖之斯不已遲乎是

皇考之聖神而予小子瞠乎其後者也故勒貞珉以識
之乾隆十有六年歲在辛未春三月之吉御製并
書

復於塔上

欽賜

御書扁額第一層曰

初地堅固

第二層曰

二諦俱融

第三層曰

三明淨域

第四層曰

四天寶網

第五層曰

五雲扶蓋

第六層曰

六鼉負戴

第七層曰

七寶莊嚴

御製登六和塔作歌

我遊西湖率三日樂矣慮非凜無逸會稽南望舉
精禋宣命明當發清蹕穹塔鎮江久所聞到此不
登孤良因振衣拾級陟其頂耳飫天籟衣濕雲海
眼龍宮寂寥鎖江邊雁堵香花妥之宇長流寫向
東月峯朝靄攬於左壯觀至是真空前那更息心
安四禪杜甫添憂我添喜境移所遇理則然

臣 沈德潛恭和 元韻

半空欄檻掛紅日踏雲攀登不暇逸追隨

六御仰層穹豹尾森嚴護

清蹕妙香氤氲上界聞到此恍惚疑前因拍空茫茫
接天水盪胃浩浩屯煙雲江流回折勢一鎖靜
鎮濤瀾纔貼妥楮龕門戶指在東富陽湍瀨迴於
左龍象周遭

玉座前觀空不礙安深禪明當放舸渡江去認取於
越山蒼然

鐵井欄 在開化寺南明一統志昔有蛟龍自

井出攻損江岸錢氏鑄鐵井欄以鎮之刻八卦於上以象八方

秦望山 在錢塘縣南十二里咸淳臨安志高一百六十丈晏元獻輿地志云秦始皇東遊登此山欲度會稽因名有巨石二十餘自然成行名金洞門其東南有大石橫截江濤海船經此多為風浪傾覆因名羅刹石每歲仲秋必迎潮設祭樂工鼓舞其上白居易詩云嵌空石面標

羅刹壓捺潮頭敵子胥指此後改名鎮江石開
平中為潮沙漲沒

徐邗嶺 在定山北鄉

五雲山 在府治西二十里山巔常有五色瑞
雲盤繞其上因名西湖遊覽志高數百丈周十
五里五峯森列盤曲而上凡七十二灣俯視南
北兩峯若雙髻宋時每歲臘前得雪寺僧必捧
表以進至城中霰猶未集蓋其地特高寒云

雲棲塢 在五雲山西一里錢塘縣志塢中有
雲棲寺按祿宏寺記云五雲山有五色雲故名
已而五雲飛集山塢中因號雲棲塢

雲棲寺 在五雲山西地名梵村

棲真院 乾祐五年吳越王建舊名雲棲寺治平
二年改額錢塘縣志明隆慶中禪師祿宏建菴
掘地有碑即古雲棲寺也山半有洗心亭

國朝康熙二十八年

聖祖仁皇帝南巡幸寺

御製雲棲竹樹甚茂幽蘭滿山詩

見恭紀
名勝

三十八年再幸又

御製雲棲寺詩

江路轉隈隩山行愜心賞古樹與茂竹翳蔽極深廣
潺潺細泉流萋萋芳草長其際春之暮天氣堪俯仰
鳥性鳴晴曦蜂蝶爭下上巡省歷窮谷所至察萬象
小憩澗壑幽澤貴被草莽

四十二年再幸

御製過雲棲憩竹林下令人斲筍斲蘭詩

尋春二月幸雲棲滿目天光入品題密林布蔭漁樵
樂幽栢成行蕙芷齊浴手臨泉開籜筍傍巖倚石選
蓬萊餘杭風景西湖勝未若山中待竹迷

御製雲棲歸途遇雨詩

錢江風雨促前旌竹樹繽紛細草萌夾岸黎元瞻拜
切頻施膏澤愜民情

四十六年再幸寺有大竹一竿

賜名皇竹總督梁鼎建皇竹亭雍正七年重修乾隆十

六年三月初五日

聖駕臨幸

御題佛殿正中之額曰

香門淨土

御書聯句云

山僧獨闢清淨界

竹翠常飛妙鬢雲

御題殿後之亭曰

悅性亭

御題後殿之額曰

修篁深處

御製雲棲詩

見恭紀
名勝又

御製雲棲寺小憩寫幽蘭橫卷即題一絕

本色西來意雲棲靜且安林泉徐待寫先寫數叢

蘭

三月十二日再幸

御製重訪雲棲即景雜咏

山寺雖多此寺幽
持教清蹕重來遊
洗心亭別凡
仙界萬騎紛闌合
著留

綠玉參天徑幾迴
石門煙月鎖莓苔
蓮池塔院自
千古奚事花幢坐
墨胎

修篁深處小延俄
又覺蒼陰幾許過
山鳥啁林還

太古野花繪壁自春和

淨土香光惹業薰
弄藏法寶玩顏筋

是日觀寺中所藏董其昌

書金剛經真蹟

蘭亭昨過相衡較真蹟何如王右軍

臣錢陳羣恭和

御製雲棲寺元韻

徑轉蒼筠密林穿玉澗
澄陰森四峯抱窈曲一

門登古鉢惟留偈精廬自課僧
風猶追白社派亦

嗣南能選勝紆

天蹕憑高指慧燈六時長轉佛心淨即超乘

臣 沈德潛恭和 元韻

竹隨幽徑密泉與素心澄屈折同猿度峻嶒舍

杖登松間負苓叟窓裏放雲僧念佛捐千偈

蓮池

不說偈以念觀空有七能繩牀留破衲矮屋照

佛為宗主明燈誰續蓮池法超然最上乘

迴耀峯 在雲棲寺後錢塘縣志高峻插天東

岡為寶刀壠西南為黃泥壠栢子尖蕭家塢雲

山窈窕草樹蒙密最為幽勝

壁觀峯 在雲棲塢東雲棲紀事青龍泉出焉

中峯之旁有泉名聖義西岡之下有泉名金液

釋祿宏青龍泉詩百竅青窺出流泉飛舞東西起復眠玉乳不知來處遠祇疑香積有龍涎

定山 在縣治西南四十里西湖遊覽志一名

獅子山高七十五丈周七里一百步突出江中

風濤至輒抑過此復雷吼霆擊錢塘縣志西有

兩峯壁立名曰龍門上有龍潭能興雲雨下為

定山浦江濱有浮嶼為魚浦又稱鮎魚口太平

御覽謝靈運詩朝發漁浦南暮出富春郭定山

香雲霧赤亭無淹泊即此山也

沈約早發定山詩夙齡愛遠壑

晚莅見奇山標峯彩虹外置嶺白雲間傾壁忽斜豎絕頂復孤圓歸海流漫漫出浦水濺濺野棠開未落山櫻發欲然忘歸屬蘭杜懷祿寄芳荃眷言采三秀徘徊望九仙孟浩然早發漁浦潭詩晨旭早蒼茫渚禽已驚聒卧聞漁浦口曉聲暗相撥日出氣象分始知江路闊美人常晏起照影弄流沫飲水畏驚猿祭魚時下獵舟行自無悶况值晴景豁

風水洞 在楊村慈巖菴側西湖遊覽志舊名

恩德洞上洞立夏清風自生立秋則止下洞流水潺潺大旱不涸洞中石子紅點如丹持出即

隱置內如故

白居易恩德洞詩雲水埋藏恩德洞
晉書東晉使君身暫來不宿歸

州去應被山呼作俗人林逋風水洞詩平昔常聞風水洞重山複水去無窮因緣偶入雲泉路林下先聞接客鍾趙抃風水洞詩風穴有聲連水洞聽風觀水暫閒身杭州未入從容甚且與南山作主人蘇軾風水洞和李筭推詩風轉鳴空穴泉幽瀉石門虛心聞地籟妄意覓桃源過客詩難好居僧語不煩歸瓶得冰雪清冷慰文園

浮山 在定山側西湖遊覽志潮入海門分為

兩派東派沿捍江塘向富春西派直射浮山怒
激而回諺稱回頭浪是也錢惟善浮山詩序山
浮江如盤石下有潭聚魚璣瓏可觀

自赤山埠惠因澗北經三台山過小麥嶺又
西北逾風篁嶺至天門山為南山北路

三台山 南高峯之支其南曰三台山三峯儼
峙中尊旁翼圓秀如畫

旌功祠 在三台山祀明少保兵部尚書贈太

傳謚忠肅于謙西湖遊覽志謙字廷益錢塘人
正統十二年乘輿北狩郕王即位謙以兵部尚
書外攘內撫有功社稷英廟復辟石亨徐有貞
等誣謙不軌竟以冤死子冕奉塋於此成化二
年廷議始白上遣行人馬暉諭祭賜謚肅愍建

祠曰旌功

王守仁旌功祠柱聯千古痛錢塘並
楚國孤臣白馬江邊怒捲千堆雪浪

兩朝冤少保同岳家父子
夕陽亭裏傷心兩地風波

錢塘縣志萬厯三十

年改謚忠肅諭祭崑祠

王世貞旌功祠詩正統
達今歲風塵日暫蒙乾

坤三已巳社稷一于公不作青衣辱依然黃屋
崇祠連賜冢地石馬汗秋風陳子龍于忠肅祠
詩紫蓋烽煙竟不旋手持大計靖江天北門虎
卧回鑒日南內龍飛賜劍年山外怒濤歸碧海
冢邊荒草像祈連上皇猶想
風雲際曹石功名倍黯然

國朝順治間修仍令春秋致祭

乾隆十二年復修十六年春

聖駕南巡

御題扁額曰

丹心抗節

栗山 在三台山之前上有八盤嶺

東嶽廟 在中台八盤嶺西湖遊覽志宋咸淳
中建以奉泰山之神

法相寺 在惠因寺北咸淳臨安志天福四年
吳越王建舊名長耳相大中祥符九年改今額
西湖遊覽志後唐時有僧行修號法真生有異
相耳長九寸上過於頂下可結頤稱長耳和尚
天成二年自天台國清遊錢塘吳越王待以賓

禮居法相院乾祐四年示寂其徒漆其真身存焉

國朝康熙五十三年殿燬重建

六通律寺 在長耳巷咸淳臨安志乾祐二年
吳越王建舊名惠德塔治平二年改今額西湖
遊覽志有辟塵爐非木非石扣之鏗然纖塵不
染

小麥嶺 自三台山而北為小麥嶺西湖遊覽

志其地宜麥故名有支徑可通大麥嶺即積慶山之陂陲迤邐者

永福橋 在小麥嶺下西湖遊覽志俗稱飲馬橋宋時牧馬於此

靈應廟 在小麥嶺飲馬橋側成化杭州府志神姓蔣名通事親至孝宋紹興十一年七月即小麥嶺桐木之下端坐而逝七日如生觀者驚異次年疫作有父老夢神衣紫橫金曰疫不侵

此境於是奉而祀之端平丙申境有虎患禱於
神遂擒二虎嘉熙間旱惟境內有雨民賴以安
事聞賜額曰靈應

大麥嶺 接小麥嶺有蘇軾題名

當南北兩山之界又西北過仙芝嶺出九里松
花家山 在大麥嶺後西湖遊覽志一名蛇山

下為花港瀕湖而登為茅家埠港側舊有盧園
宋內侍盧允升別墅引港水入池文石甃砌異

魚游泳

丁家山 瀕湖水影山光上下相接

蕉石山房 丁家山上有高埠平臨湖曲雍正
九年甃石為磴道建亭其上復於山半更置一
亭高下相映山上多紫石璫瓏秀削狀類蕉葉
為軒數楹曰蕉石山房乾隆十六年春

聖駕臨幸

御製丁家山詩

見恭紀
名勝

靈石山 西湖遊覽志自永福橋折而西北為石山亦名積慶山石常現瑞光故名

積慶寺 在靈石山上咸淳臨安志端平元年建理宗書額曰積慶教忠寺內有君子泉天一泉

國朝乾隆十六年春

聖駕回鑾舟中題畫冊

御製積慶寺詩

見恭紀
名勝

玉鈎橋 近靈石山西湖遊覽志靈石山有元
道士張羽墓近玉鈎橋蓋羽賣玉鈎所建故名
羽字伯雨號句曲外史工書能詩文與趙孟頫
楊載虞集揭傒斯齊名

靈石寺 在靈石山久圯西湖遊覽志內有靈
石泉又名歲寒泉竹坡詩話宋西湖諸寺所有
無幾惟南山靈石尚是舊屋寺僧言頃有數道
人來丐食拒而不與乃題詩屋壁而去字類李

北海詩云南塢數回泉石西峯幾疊煙雲登臨
孰與為侶顏寓李甲蕭耘好事者譯之云首一
句藏呂字二句指洞字三句合賓字李甲近世
人善畫東坡以比郭忠恕者顏蕭二人或亦是
神仙也

風篁嶺 在靈石山西北西湖遊覽志嶺多蒼
篴篠蕩林壑幽邃迥出塵表流泉活活自龍井
而下四時不絕元豐中僧辨才居之名曰風篁

朱昇尊風篁嶺詩斷崖橫一嶺擁竹何娟娟時
有山禽拂新粉墮我前欲尋巖下寺揮我風中
絃

一片雲石 名勝志風篁嶺上有一片石高丈

許青潤璫璫若神工鏤刻舊稱曰一片雲

張升遊片

雲石詩荒塗趨沙塢斷崖得石壁鳥足不可棲
猿臂豈相借冰核實夏凍露珠信晝滴蘭草倒
叢生藤根互盤越巧視仰璫璫眉宇皆翠色側
聞蘿薛人駐此曾洗滌我題聊與賞早閱白雲
迹

龍井 過風篁嶺為龍井萬厯杭州府志龍井

本名龍泓澗泉流停涵一泓清澈相傳有龍在
焉禱者輒應井有秦少游記米芾書咸淳五年
安撫潛說友重建石門篆龍井二字

秦觀游龍
井記見藝

文

龍王廟 在風篁嶺龍井上咸淳臨安志紹興
十八年賜廟額累封為嘉應廣濟孚惠王咸淳
五年安撫潛說友更創祠宇

龍井寺 在風篁嶺下咸淳臨安志唐乾祐二

年建名報國看經院宋熙寧中改壽聖院蘇軾
書額紹興間改廣福院淳祐六年改延恩衍慶
寺元豐二年辨才自天竺歸老於此與蘇子瞻
趙閱道友善後人因建三賢堂有過溪亭德威
亭歸隱橋方圓菴寂室照閣閒堂訥齋潮音堂
滌心沼獅子峯薩捶石山川勝槩一時呈露而
二蘇趙秦諸賢皆與辨才為方外交名章大篇
照映泉石武林梵志歲久圯萬厯二十三年僧

真果重修

國朝康熙年間僧一泓重葺

訥齋 蘇軾訥齋記法師辨才以天竺南山山
深木茂泉甘石峻將終老於是吳越人築室而
奉之秦觀少游名其所居曰訥齋師始以法教
人叩之必鳴如千石鐘故人以辨名之及居此
山閉門晏坐寂然終日如冬枯木如古澗水故
人以訥名之

方圓菴 楊傑延恩衍慶院記辨才淨老退居
龍井得壽聖院敝屋數椽鼎新棟宇中有菴曰
方圓不執一也舊西湖志龍井山齋明孝廉聞
啓祥別業是宋人方圓菴遺址見譚元春詩

閒堂 咸淳臨安志在方圓菴東趙清獻公抃
既致政而辨才法師亦退居此山稱二閒人因
以名堂

龍泓亭 在龍井上趙抃龍泓亭詩序予以元

豐已未仲春守杭得請歸田出遊南山宿龍井
佛寺今甲子六月朔旦復來老僧辨才登龍泓
亭烹小龍團以迓予因作是詩有龍泓亭上點
龍茶之句

壽聖院 在南山風篁嶺兩湖麈談地勢幽僻
峯巒迴合予童時猶見小菴及辨才塔俗呼為
老龍井秦少游題名記所謂夜二鼓至潮音堂
訪辨才即其處今之寺即井之所在非院也

過溪橋 在龍井咸淳臨安志本名歸隱因蘇軾易名曰過溪蘇軾詩序辨才老師退居龍井不復出入軾往見之常出至風篁嶺左右驚曰遠公復過虎溪矣辨才笑曰杜子美不云乎與子成二老來往亦風流因作亭嶺上名之曰過溪亦曰二老

崇恩演福寺 在風篁嶺側西湖遊覽志俗稱南天竺隋開皇中法師真觀居之操行高潔骨

塢存焉內有白蓮院夕佳樓今廢

辨才塔 在演福院內蘇轍為銘

無垢院 在演福院後西湖遊覽志無著禪師

道場也舊在石人嶺慶元中移此後并為演福

寺

顯應廟 在風篁嶺西湖遊覽志宋時以祀郡

守胡則真宗仁宗朝則再守杭州有惠政退老

西湖卒葬於此數見靈異因立廟祀之

神運石 在龍井上萬厯杭州府志石高可六

尺許竒怪突兀正統十三年中貴李德駐龍井

屬旱令力士淘之初得鐵牌二十四面玉佛一

尊金銀各一錠上鑿大宋元豐年號次得茲石

以八十人拽出之上有神運字其旁多款識漉

漫不可讀不知何代所鑄也繼又得鐵牌十五

面銀二條上鑿吳赤烏年號皆投龍以祈雨者

楊梅塢 在南山近瑞峯塢天中記塢內有一

老嫗姓金其家楊梅甚盛所謂金婆楊梅是也

蘇軾答參寥惠楊梅詩新居未換一根椽只有楊梅不值錢莫共金家較甘苦參寥不是老婆禪

綦盤山 在風篁嶺北西湖遊覽志舊傳有丹砂為局子分白黑今已湮漫不可辨

老龍井 在風篁嶺上西湖遊覽志有水一泓寒冽異常其地產茶為兩山絕品再上為天門可通靈竺

天門山 在北高峯西南錢塘縣志雙峯削立

高與雲齊故曰天門為南北兩山分界處

獅子峯 在天門山勢若蹲獅西湖遊覽志高

出羣岫可見江滸北望天竺諸峯歷歷如繪

楊維

頓獅子峯觀潮詩海國梅青瘴雨收繩牀高踞
碧獅頭三韓水接天無盡百越山窮地欲浮樓
閣剛風吹碧蜃旌旗落日照紅猷行人莫問驅
潮事潮落山西淺十洲又獅子擎雲湧翠巖我
來親拂頂花看隨潮月上樓臺濕度海雲生鐘
磬寒蓬島未應三萬隔桑田今有幾回乾大千
不究恒沙界細
問彌天釋道安

西湖志纂卷五